

通城縣志卷二十四

雜記

事之足以廣見聞垂法戒者豈必盡見於經傳之足據哉天地之大何所不有所見異辭所聞異辭語雖近誕事非絕無夏蟲不可語冰秋蟬不可語雪少所見多所怪也因於志末附載雜記以殿全編

元季紅巾倡亂志乘罄燬通邑從前科甲撫仕傳聞朱據明代纂輯縣志疎怠搜考後遂因簡附簡如世傳東港李學士今尙名李學士屋場上黃何解元至

通城縣志

卷廿二

雜記

一

今名解元屋場大盤山團義保境張十萬徧查李何張三姓家乘名字莫稽

坎宮鳳山圖石壠源楊家屋場世傳爲楊侍郎宅亦疑信參半乾隆四年荒宅後左側窪漲溝齧有黎姓童子從塾歸見溝涯露有似橫樁者激流戲手拔之乃一鐵簪持歸白母折驗爲銀飯罷母子潛挾鋤往掘一小瓦甕貯銀四十錠並首飾冠帔銀片裏鑄侍郎楊夫人小字猶可辨識

雲溪中堡圖潘姓山塿康熙五十一年霖雨坍出一

石碑面鐫御史曾公墓碑陰小字土蝕難辨

崇仙里何葛段山塹雍正二年葛姓耕農犁出一金片葉有似前朝所戴國公帽片淨洗之片裏鐫有龔國公製餘字殘滅不可識

巽宮陳家段因陳學士得名年代名字失考其旗杆石尙存

石喬里桃花園有山名張家坡爲蔣姓世業乾隆壬午年霪雨山塹坍出一燒磚墓誌面首題宋故溫氏二十娘墓記記曰溫氏生乎崇陽縣霞心畝儒家諱

通城縣志

卷廿四

雜記

二

沔者之女也年二十有四適通城縣石喬里張君諱德恭字順之其先豪右乃諱珪之曾孫諱遂之孫諱誦之子君少篤學長多能尤精丹青並傳於世得溫氏資以治內溫氏賦性疎通馭事沉審以儉治身以勤治家以均平待子孫以恩義睦鄰里又喜張君接賓客之賢者好教子弟生子四長安世娶丁氏次縉娶應氏次裳娶王氏皆續父之丹青幼豸教以儒業年十五使遊學四方後以進士待詔鄂州次應詔開封府孫男三人曰琮瑾璞孫女二人皆其養育教誨

享年六十以紹聖三年丙子六月二十八日卒至十
二月十七日癸酉葬華林山袁州柳岡擇其地鄉貢
進士周頌爲記於墓等詞惜豸進士科分應詔何事
未經詳敘

宋理宗崇理學諸講學書院舉塑

宣望像頒送祀之平江吳雄爲朱文公門人就宅境地曰
重堂者建陽坪書院講學其中理宗詔送

宣聖像後遭寇亂書院被燬獨

宣聖像森存灰燼中雄從孫六陸得之嗣捧隨兄六二官

通城縣志

卷廿二

雜記

三

通城千長因家焉世祀於塾明嘉靖被遊學生竊失
原任泰州學正吳廉捐多貲遍訪得之黃岡縣訟官
判歸至今吳廉子孫世珍奉焉

李魁芳世居上善里石人洞端慤無雕琢通文藝壯
歲艱於嗣納妾二生子特常甫十歲順治乙酉被大
兵掠挈黃河北澣適

恩詔禁繫帶漢人子女棄擲荒洲間側近有李店者聞悲
啼聲收歸詢知爲同姓畜養之魁芳以子被掠闔室
慟號斲修竹去節製香料實其中名曰衝天香日夕

拜禱如是者三年杳如也都人士羣嗟善門祧謂
天道左報居無何族有李若玉者承撫院賚奏歸塗
偶憩李店目一童子語帶通城音詢知爲魁芳被掠
子遽以情告李店代補膳資攜歸隨治經義工文詞
補邑章縫士魁芳記其本末藏於祖神服臙內後百
餘年嗣孫洗神像於服臙內得之生子五幼藻鑑尤
簡重寬恕涉書史寡言笑重然諾接人惟談存心循
分却浮剗僞尤有心課耕織勤樽節儲庾廩遇歉歲
罄所有以應貸押通臨巴三邑待以舉火者幾千家

通城縣志

卷廿四

雜記

四

窘迫莫償者輒焚券貫之有橫逆相加者一以情恕
理遣弗校也由是遐邇共推爲善士壽躋期頤鞠課
五子諸孫曾元舉異敏夙慧嗜學工詞章入太學者
五明經貢北雍者一弱冠補郡邑博士弟子員者五
餘齠齡摘藻總角俊爽人文蔚起方興未艾也

重修通城縣志跋

志者何志其地志其人使後世有可攷而知所由來也其地可考則凡一切疆域土田物產因之見矣其人可考則凡一切政教禮儀風俗亦因之見矣是以編輯之先遍爲採訪互與搜羅卽地以驗人并因人以表地地也人也所關豈淺鮮哉夫地之靈者人恒傑理有必然合觀通邑全勢秀水迴前雋溪繞後東列鷄鳴之嶺西連龍窖之峯銀巒南峙天馬橫空鐵東北環蒼龍奔壑地真可云靈已尙何疑人不多傑

通城縣志

卷廿四

新跋

一

乎遐稽前代迄我 國朝人文蔚起科第蟬聯非特舉於鄉者之不勝書卽如劉仕昌以鳴鳳稱劉紹元以奇政顯類皆黃甲中之尤著者豈僅金同慶之登科楊起莘之掄元後先誇耀於唐宋間哉至若大羅內磊落小山金水星形居多水需土止金賴火鎔銀山爲學宮面案昂首南方雖馬形宛肖而巾少貴人火猶未露今纂輯志書復建寶塔貴人跨馬爲邑治文峰以火制金洵稱完美行見枝摘桂林盡備金甌之選花探杏苑羣聯玉筍之班又奚慮人爲地限仰

芳踪而莫與共追耶且也士生名勝之區當 文教
昌明之世苟或不甘自限奮發有爲則事業文章必
有駕前賢而上之者詎惟是芥拾青紫爲足生學校
之色增志乘之光已哉鼎 宦遊銀城躬逢盛典因文
人之萃會卜文運之宏開遂呈鄙見用釋疑心以爲
同志者勵至於修志與修史同其考核之明也賴有
識其品題之當也賴有才其纂訂之確且詳也賴有
學備此三長始無遺憾是則望於諸君子安敢贊一

辭敬跋

通城縣志

卷廿四

新跋

二

大清同治五年古鄆候補儒學正堂袁登鼎定九氏跋

舊跋附

古史不貴修文載筆取義進退沿革之間深心與風教爲終始國史郡志洵非一家言凡建置興廢習尙隆替文物升降皆足表彰先哲式訓來茲矧忝司民牧志切摩風其所以起敝維新與時更化者但期有獲豈憚焦勞哉三年來撫循而釐剔之有然振舉而滌除之有然摩痛搔癢矢無遺力猶恐於風土物情和理未知奚似百思所以終始之公餘卽校正是編取其山川之鬱昭以觀興廢取其風氣之重輕以觀

通城縣志

卷廿四

舊跋

一

隆替取其人物之秀莽以觀升降覩鄉評而思賢按宦蹟而思理是編之輯庶於古史勸戒之道有當焉覽斯志者進斷斯義風教深心與簡冊爲無窮矣
順治癸巳年仲夏月知通城縣事邗江盛治跋

舊跋附

通雖蕞爾僻邑而土宇三鄉編戶十五里明代前不
乏巍科膺仕勲德文章足光志乘者慨自宋熙甯壬
子歲陞鎮爲縣下逮明宏治丙辰褚公潭蒞任時閱
四百二十餘稔矣杳無縣志也其時先達何孝廉隆
甫創輯之因文獻莫徵怠厥旁搜科甲祇昉明初餘
俱簡漏迨萬歷戊戌方伯錫崖舒公就原本稍增潤
之而科甲猶舊繼而火災其木崇禎丙子再修於邑
侯三台趙公我

通城縣志

卷廿四

舊跋

一

朝定鼎兵燹之餘黎棗蕩然無復存者順治十年吳學
博穀泗公重編然舉粗具崖略而已迄今百餘載藏
板漸就漫漶律以

朝廷定例可謂疎濶而乏踵事者歲癸未秋邑紳公請
孝廉吳友峩峙秉筆經紀公固健於文而又慨盛典
久曠直任不辭且不以琥不肖拉効微末之勞昕夕
追陪竊見公於古今人物暨官師二項矢公矢慎毫
無瞻顧或徵之散集遺文或證之殘碑斷碣或識之
耳目素悉事蹟不虛者務歸實而咸當信而可傳缺

者補之略者詳之視前較備是冬脫稿事竣適邑侯明公以學田徵款尙未詳題定額諭且輟待茲逢皇上以舊修一統志未能悉洽

特命續修各府州縣志以資採輯今春浙江撫臺熊因遂安等縣志書所載仕宦事蹟是非倒置摘出具題皇上飭部議覆新舊府州縣志專任學政核定發刊業經通行遵照琥捧府憲牌開事由併部議讀之有云如或紳士身行經理編纂付梓亦所弗禁益幸斯舉適值其會真千載一時矣爰遵謄清稿呈送明侯鑒裁

通城縣志

卷廿四

舊跋

二

轉賚學憲仰核竊琥於校編之末不能無感者方今文治光華被於四海吾通沐浴於

重熙累洽仁漸義摩之宇人文雖未臻於彬郁絃歌固已遍乎閭閻獨科名爵秩百十數年不勝其寥落豈其氣運猶鬱積而未舒耶抑將蘊隆而有待焉未可知也至若土田之腴戶口之繁風俗物產之美卽武昌十屬亦未有能或之先者惟茲歉然愆然不足爲學校重而因不足爲志乘光是跋

乾隆二十九年七月旣望國學生葛行琥碧山氏跋

補遺

山川

石門山 易墩圖

建置

義皂 坑橋 離宮中堡圖監生方行行妻鄧氏建後其

子監生文河重修義坑

汉冲橋 離宮中堡圖方申五建後圯裔孫監生秀

濤重修

富石寶缸 雲溪中堡圖監生李紹文妻方氏建修

通城縣志

補遺

一

里八圖石路 同治五年李殿光募修計三百餘丈

選舉

盧大銘 盤庚里人明隆慶間歲貢

盧璇 大銘子明萬歷間歲貢

盧雍 盤庚里人明嘉靖時歲貢

李伯宗 下太里人明成化間任禮部道錄司

盧朝禹 盤庚里歲貢明建文間任武昌嘉魚知縣

袁希海 字文星上黃里南貫圖人明萬歷間任湖

南臨湘縣桃林巡檢

袁大秋 字文高上黃里南貫圖人明嘉靖丁卯舉人原任倉太使復任興國州訓導

皮大受 字德長廩貢肄業國子監考授州左堂勅贈文林郎

盧景心 順治元年貢士實授安陸府潛江縣學正
盧國煜 盤庚里人康熙初任湖南九谿衛副總

人物

盧維纓 仲轟元孫選授正八品順治二年李兵蝟集兄弟婢僕各驚逃纓負母洪氏覓茅根嚼而喂

通城縣志

補遺

二

之母始得全纓品行端方學養純粹家貲饒裕周恤鄰里

羅克堦 辛安里監生秉性真誠克全子職二喪愼終廬墓六載其子職員永治幼承父志長帥先型奉養執喪一如其父邑紳呈請學師馬王邑侯林申詳學憲方給譽洽鄉評額

葛對揚 崇仙里增貢桂林子善承先志道光丁未免息千餘兩咸豐丁巳施粥裝米賑饑全活甚眾
葛錫爾 崇仙里監生成豐戊午歲荒施粥兩次補

修橋路不一

吳楚標 居巽宮三角坵地連義甯九貧乏難育女者無論遠近給以穀石不等歷有多年養活甚眾

葛及鋒
立凡

崇仙里監生咸豐丁巳施粥裝米賑饑

列女

胡黎氏 乾宮左港圖榮盛妻年二十三歲夫故守節提學王給砥節延齡額卒年八十八歲

廟宇

喜鵲廟 一名箸姑廟坎宮井欄圖祀風吼大王神

通城縣志

補遺

三

甚靈異遠近祈禱

靈官廟 巽宮石柴頭祀五靈大帝

本祭廟 巽宮吳主圖

興隆古刹 巽宮中旺圖

靜雅庵 巽宮中旺圖

古蹟

龍泉石 銀山石皮嶺側觀蓮圖離金鷄石半里許

石壁陡峭半腰錐龍泉二字書法蒼勁大四尺許

石門框 南城外憲街鄭憲堂居此屋被李闖焚毀

至今大門石框猶存數百年獨立不圯

瑩墓

唐侍郎金興政墓在縣東義口圖陳山冲柴

唐郡守金同慶墓在縣東漂田圖七里山口虎形

明巡按金諒墓在縣東龍印圖寶蓋山

又建置廟宇

繼先橋 乾宮里仁圖嘉慶辛酉年胡宜也倡建咸

豐癸丑年宜也嗣孫補修

擔水橋 坎宮尖峰圖胡西雋裔孫建修

通城縣志

補遺 四

尖山嶺廟 坎宮尖峰圖咸豐五年賊毀同治四年

重修

白玉庵巽宮牆垣圖鄧家嶺上

又列女

何李氏巽宮守節現年六十八業儒增輝妻年二十二歲夫故

皮王氏坤宮故立嗣守節現年五十皮自光妻年二十九歲夫

朱樊氏中宮同堂白米圖挺忠妻年八十三歲五代